



**Quæstionum Canonicarum, In Quinque Libros  
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur  
De Judiciis, Foro Competenti, Libelli Oblatione, Mutuis petitionibus, ...

**Krimer, Ferdinand**

**Augustæ Vindelicorum, 1708**

§. I. An causa adulterij sit mixti fori?

---

[urn:nbn:de:hbz:466:1-73001](#)

deò etiam immemorialis, immunitatem Ecclesiasticam contra Juris Canonici dispositionem, directè, vel indirectè, etiam in aliquo tantum lèdunt, deprimunt, vel quovis modo restringunt; de quibus V. Castropal. de Censuris D. 3. p. 16. & seqq. Ex quo etiam patet ad 3. de præscriptione; nam & hæc foret ejusmodi immunitatis lèsva, diminutiva, vel restriktiva.

## ARTICULUS. VI.

## De criminibus mixti fori.

396. Crimen mixti fori est illud juxta Benedictum Pereyram in appendice Elucidarij num. 1956. quod pertinet ad utrumquè forum, nimirum Laicum, seu Seculare, & Ecclesiasticum, ita, ut de illo crimine possit cognoscere Judex, vel Laius, vel Ecclesiasticus, datâ præventione, quæ scilicet datur, quando alter ex dictis Judicibus cœpit prior cognoscere. Unde illa præventione & quædam anticipatio cognitionis, quæ impedit, né alter se intromittat. Cum enim prævenire apud Latinos sit venire, antequam alter veniat, sic apud Juristas est præoccupare causam, seu venire ad illam, antequam alter Judex veniat. Unde etiam Soncinas in c. 14. de foro cōpet. apud Haunoldum tom. 5. de fāstī. tr. 1. n. 322. præventionem, ait, esse jurisdictionis approbationem sibi soli in aliqua causa (hoc est, quæ immediatè) quæ pluribus competebat; quibus positis:

## Q. I.

An causa adulterij sit mixti fori?

397. Cognitionem cause de adulterio spe-  
ciare ad forum Laicum, colligi pos-  
t est ex tōto titulo C. ad Legem Julianam, de  
adulterijs; præsestitum L. 30. ubi agitur de  
his, quibus licet adulterum accusare; sed  
de his egimus l. 4. tit. 19. de Divorcijs;  
& lib. 1. tit. 9. de Adulterijs: esse etiam  
fori Ecclesiastici, constat ex lib. 5. tit. 9.  
& c. Gaudeamus, 19. de convers. conju-  
gat. ibi: mulieres verò, quæ relicto mari-  
iali thoro, lapsu carnis ceciderunt, si ma-

Tom. II.

riti earum à te diligenter commoniti,  
eas ad frugem melioris vite conversas nō  
luerint recipere propter Deum, in clau-  
stris cum religiosis mulieribus studeas col-  
locare, ut perpetuam pénitentiam ibi a-  
gant, quibus positis:

Quæstio est. 1. an, cum innocens agit  
de adulterio contra Reum, possit eum ci-  
tare ad utrumque Judicem ex his, quibus  
competit jus præventionis? Resp. de hoc  
casu agi c. fin. de Rescript. ubi dicitur, quod,  
si quis alium super uno negotio, vel pluri-  
bus personalibus actionibus, quæ sub uno  
Judice possent tractari commodius, per  
varias litteras ad diversos Judices trahat,  
litterarum commodis careat, & ad expen-  
sas, quas propter hoc Adversarios tulisse  
constiterit, condemnetur; ubi nota, quod  
quamvis talis perdat commodum litera-  
rum ex tali abusu; non tamen perdat causa-  
m; cum de hoc nihil exprimatur: &  
licet hic fiat mentio solùm de actionibus  
personalibus, non autem realibus; si ta-  
men in his etiam militet eadem ratio,  
quæ in textu assignatur pro personalibus  
(nempe ut vocatus ad diversos Judices  
laboribus fatigatas, & sumptibus, vel com-  
pellatar componere, vel cedere jari suo)  
censem Panormitanus ad cit. c. fin. n. 12.  
idem dicendum etiam in realibus; quem  
sequitur Wagnereck ibid. Q. super uno  
negotio, saltem quoad observationem;  
hoc enim sine fatigare Adversarium, na-  
turali lumini contrarium videtur.

Quæstio altera est, an, quando solùm  
civiliter agitur contra adulterum, ni-  
mirum ad separationem thori, & jactu-  
ram dotis, quæstio hæc sit mixti fori con-  
sequenter sit locus præventioni? 2. quid,  
si agatur criminaliter, nimirum ad vin-  
dictam publicam? Ad 1. in hoc num.  
Resp. remissivè ad lib. 4. decret. ubi ad 1.  
diximus negativè; ad 2. affirmativè; hu-  
jus ratio sumitur ex c. Tua Fraternitati,  
5. de Procuratoribus, ubi, cum hoc Bri-  
xinen sis Episcopus Innocentio III. propo-  
suisset, idem illi sic respondit: quod, si vir  
accusat Uxorem de crimen Adulterij co-  
tam Judice seculari ad poenam legitimam  
infligendam (quia tunc inscriptionis vin-  
culum debet arripere, seque ad poenam  
talitionis astringere: non per procurato-

P 2

rem;

rem, sed per ipsum præsentem oportet præsentialiter accusare. Si vero vir accusare velit Uxorem de adulterio coram Ecclesiastico Judice, ut ab ejus cohabitatione discedat, quia tunc etsi forsitan oporteat eum inscribere, ut designet in scriptis Nomen, locum, & tempus, & omnia, quæ comprehenduntur in lege civili: *ad talionem tamen non debet se aliquatenus obligare: ne forte cum in probatione defecerit, intentionis sua consequatur effectum: sustineri potest, si necessitas id postulaverit, ut per Procuratorem accuset; quoniam hujusmodi accusatio, etsi de crimine fiat, non est tamen criminalis, sed quasi mixta inter civilem, & criminalē, quamquam in præsentiā principialium personarum securius procedatur.*

**400.** Ex hoc textu deducitur, quando causa adulterij *criminaliter* accusatur, proponendam coram Judice seculari; si *civiliter*, coram Ecclesiastico: adeoque questionem super delicto adulterij solum civiliter intentata ad separationem thori, vel amissionem dotis, non esse de causa mixti fori; colligitur ex cit. textu, &c. *adhac 1. ut lite non contestatā, ubi habetur, quod si agatur de adulterio ad separationem thori (non ad pœnam capitalem, vel Sanguinis) & ante litis contestationem Reus est contumax, possit excommunicari, non tamen testes recipi, vel causa definiri; & ita tradit D. Thomas in 4. dist. 35. q. unica, a. 3. ad 5.*

**401.** Dices: *in dict. c. Tua, 5. de Procurat.* non dicitur, quod Vir coram Judice Ecclesiastico *debeat* Uxorem adulteram accusare, quando agit, ut ab ejus cohabitatione discedat, sed tantum, quod, si *velit* accusare Uxorem de adulterio coram Judice Ecclesiastico, ut ab ejus cohabitatione discedat, non teneatur se tunc ad talionem obligare; ergo non recte probatur, quod, quando Vir ex adulterio agit *civiliter* ad divortium thori, *debeat* causam proponere solum coram Judice Ecclesiastico; licet possit; adeoque ejusmodi questionem non esse mixti fori. Et ideo Barbosa in dict. c. *Tua*, num. 2. de adulterio, inquit, ad pœnam Sanguinis imponendam, solus Judex secularis est competens, quoad alias vero pœnas est mixti fori, ac subinde datur locus præ-

ventioni. V. Covarr. *de Sponsal.* p. 2. c. 7. §. 7. num. 12. *Clariss. §. fin. q. 37. n. 3. vers. quero nunquid causa.*

Resp. verum esse, quod dicatur expressè, quod Vir tali casu *debeat* causam divortij proponere solum coram Judice Ecclesiastico; verum tamen etiam esse, id in eodem textu supponi; & ab ipso etiam Barbosa in dictum c. 5. num. 4. tradi, cum ibi aperte dicat: *Judex Ecclesiasticus solitus est competens ad cognoscendum de adulterio, ut ratione illius divortium celebretur; cuius ratio est; quia, cum divortium solvat innocentem à vinculo, quod nascitur ex Sacramento connubij, quo Conjuges obligatione mutua tenentur cohabitare, & usum etiam conjugalem alter alteri concedere; sicut ob rationem Sacramenti ad solam Ecclesiam spectat cognoscere, & authoritatè conservare individuum nexum matrimonij;* ita ad eundem solum pertinebit de causis ejus *dissolvendi* judicium ferre, ut ostendimus l. 4. *decret. à num. 1652.* & ita praeter citatum D. Thomam, censet Sanchez l. 10. *Matrim. D. S. 2. 15. Layman, l. 4. Theol. moral. tr. 9. c. 2. num. 5. & complures alii.*

Hac occasione dicti c. *Tua*, colliges, quando maritus accusat Uxorem adulteram *criminaliter* (nimurum ad pœnam legalem, sex Sanguinis) id ab eo debere fieri personaliter, non per Procuratorem; cum teneatur ad pœnam talionis 1. si autem coram Ecclesiastico solum *civiliter* ad divortium, non teneri se obligare ad pœnam talionis, & posse per Procuratorem; cuius ratio datur in textu, *ne forte, cum in probatione defecerit, intentionis sua consequatur effectum; nimurum, ne, si fortassis hac via se ab Uxor's cohabitatione liberare intenderet, & per falsam accusationem non obtineret, altera per talionem consequeretur.* Coll. 2. non omnem accusationem de crimine, esse *criminalē*, ut aperte deducitur ex dict. c. *Tua*, ibi: quoniam hujusmodi accusatio (nimurum de adulterio Uxor's, ut ab ejus cohabitatione discedat maritus) etsi de crimine fiat, non est tamen criminalis; sic Innocentius III. ad Episcopum Brixinensem, ut habetur in c. *Tua* 5. de Procuratorib. cuius verba dedimus supr.

Ex

Ex dict. Coll. 3. si lite coram seculari 404. Judice mota, de alimentis præstandis Uxori separatae à Marito, Maritus opponat adulterij Crimen, ob quod mulier jure alimentorum privata sit, Judicem seculari rem lite supersedere debere, donec quæstio incidens à Judice Ecclesiastico terminetur; hujus ratio est; quia hoc ipso, quod intentata coram seculari Judice causâ, super alimento incident quæstio divorcij, seu separationis quoad cohabitationem, illa terminari nequit, antequam cognoscatur super justitia causæ divertendi, seu descendendi à cohabitatione; hoc enim sonat incidentia causæ, cum respiciat ipsum meritum causæ, & habeat ortum ante litem contestatam, ut bene notat Pereyra in Elucidario num. 1867. sed haec quæstio cognosci non potest à Judice seculari, & terminari potest à solo Ecclesiastico ex num. 402. ergo.

Quæstio 4. est, an finito iudicio criminali de adulterio ad poenam legalem, innocens possit instituere actionem quasi civilem ad divorcium, vel econtra finito iudicio divorcij eandem actionem intentare criminaliter? ante resolutionem nota, quod licet utraque actio (nimitem sive criminaliter, sive civiliter intentata Reo) tendat ad punitionem (licet criminalis ad poenam, seu vindictam publicam; civilis, ad privatam, nimitem dotis amissionem, & separationem ab obligatione cohabitandi) quandóque tamen actio civilis directè intentari possit Reo, non, ut inde innocens capiat lucrum, sed solùm, ut evitet damnum; his præmissis:

Ad quæstionem propositam Resp. post iudicium criminale ad punitionem legalem, seu vindictam publicam, non concedi actionem civilem directè ad poenam privatam; nec vicissim, finito iudicio directè ad punitionem privatam, concedi actionem criminalem ad poenam legalem; ita Sotus l. 4. sent. D. 37. q. unic. a. 3. Abbas in c. Tiae, 5. de Procurat. n. 5. & complures alii; probatur ex L. quod Senatus consultum, 6. ff. de injuriis, ibi: planè actum sit publico iudicio, dengandum est privatum; similiter ex diverso.

Dixi, per actionem quasi civilem directe ad poenam privatam, impediri a-

ctionem criminalem ad poenam legalem, seu vindictam publicam, & econtra: nam secus est, si maritus post, vel cum actione criminali de adulterio contra Uxorem directe agat de solo interesse, seu jactura rei familiaris compensanda. Nam talis actio civilis non præjudicat criminali; nec ista illi, ut tradit Julius Clarus in practic. criminal. q. 2. num. 2. Molina tr. 3. de Juf. D. 40. n. 19. & probari potest ex L. unica, C. quando civilis actio criminali præjudicet, ibi: à plerisque prudentium generaliter definitum est, quoties de familia, & civilis, & criminalis competit actio, utraque licere experiri; sive prius criminalis, sive civilis actio moveatur: nec si civiliter fuerit actum, criminalem posse consumi: & similiter econtrario.

### §. II.

#### An causa Blasphemie sit mixta fori?

**A**nte resolutionem nota, Blasphemiam, de qua latè Suarez tom. 1. de Relig. l. 1. a. 4. esse vocem Græcam, quæ apud Latinos idem valeat atque vituperatio, execratio, maledictio: apud Theologos autem, & S. Paginæ interpretes sumi dupliciter. 1. latè pro omni convitio, & maledictio in aliquem, præcipue dignitate, & excellentia pollentem virum; Sic intelligit S. Hieronymus Apostolum ad Titum. 3. admove illos, neminem Blasphemare, id est maledicere, convitiari; 2. strictè, & propriè pro contumelia in Deum, vel Sanctos in Cœlo cum Christo regenerantes, quatenus habent respectum ad Deum, quæ proinde tota in Deum refunditur.

Sanchez l. 2. Decalogi c. 32. n. 11. definit Blasphemiam, quod sit locutio falsa contra Deum per modum convitij. Dicitur falsa: quia licet quandóque exercetur per modos imperativos, & optativos, in quibus nec enuntiatio, nec proinde falsitas esse potest; tamen semper ex modo irrisorio, vel contemnenti denotat aliquid in Deo contemptibile, quod falso est: explicatius dici potest, esse peccatum, quo aliquid de Divina bonitatis excellētia detrahitur, dicendo falso aliquid Deo inesse, quod non inest: vel negando inesse, P. 3. quod